

# **MINORITY SHAREHOLDER WATCHDOG GROUP**

BADAN PENGAWAS PEMEGANG SAHAM MINORITI BERHAD

(Incorporated in Malaysia – Company No. 524989-M)

Berita Harian – 24 February, 2014 (A)

## **Kod pelabur institusi relevan bentuk etika**



**RITA BENOV  
BUSHON**

**Polisi** Dialog anjuran India-OECD (Pertubuhan Kerjasama Ekonomi dan Pembangunan) yang dihadiri oleh delegasi dari negara rantau Asia baru-baru ini membincangkan mengenai kepentingan kod penyelia (stewardship code) bagi pelabur institusi dan melabur secara bertanggungjawab.

Ia termasuk membincangkan bagaimana pelabur institusi perlu bertindak sebagai penyelia demi kepentingan berasaskan mereka.

Saya ingin mengambil kesempatan ini untuk menyatakan sekali lagi bahawa

MSWG dan Suruhanjaya Sekuriti secara bersama menge luarkan Kertas Rundingan Awam mengenai Kod Pelabur Institusi Malaysia untuk menerima pakai standard lebih tinggi daripada tahap minimum yang ditetapkan oleh peraturan.

Kod ini menggalakkan pembentukan etika dan minda pelaburan yang mengambil kira prestasi syarikat tanpa mengabaikan aspek tadbir urus korporat membabitkan perkara seperti kepelbagaiannya lembaga pengarah dan isu persekitaran, sosial dan tadbir urus (ESG) yang lain.

Kami berasaskan kod pelabur institusi ini sangat relevan lebih-lebih lagi pada masa ini, mengambil kira kedudukan pelabur institusi yang semakin penting dan pengaruh mereka untuk menggalakkan amalan tadbir urus lebih baik di dalam syarikat pelaburan mereka.

Rundingan awam ini akan berakhir hujung bulan ini dan saya berharap pembaca akan memberikan maklum balas mereka sebelum tarikh tutup itu.

### **Boleh berdepan muflis**

Dalam hal berasingan, Penerangan Malaysia (MAS) mencatatkan kerugian RM343 juta pada suku keempat tahun kewangan 2013 dan RM1.17 billion bagi seluruh tahun kewangan itu.

Jika MAS gagal untuk menangani perbelanjaan operasi terutama kos berubah yang boleh dikawalnya, ia boleh berdepan muflis.

Oleh demikian, MAS perlu menangani kos berubahnya dengan segera. Tambahan pula, ia terbeban dengan caj kewangan tinggi dan susut nilai perbelanjaan modal membabitkan pesawat baru.

Walaupun proses pemulihan MAS sudah pun memasuki tahun kedua, kami masih belum melihat keputusan kewangan yang positif. Pihak Lembaga perlu mengambil keputusan dan tindakan tidak popular serta sukar untuk menangani masalah yang dihadapi.

### **Keuntungan MISC**

Dalam perkembangan lain, MISC Bhd mencatatkan keuntungan bersih RM2.08 billion bagi tahun kewangan 2013, pe-

ningkatan 171 peratus daripada tahun kewangan 2012.

Peningkatan pendapatan MISC juga diiringi dengan kenaikan harga sahamnya daripada RM5.50 sesaham kepada RM6.50 sesaham.

Ini adalah kira-kira 18 peratus lebih tinggi daripada harga yang ditawarkan oleh PETRONAS sebanyak RM5.50, ketika ia membuat tawaran pengambilalihan MISC 10 bulan lalu.

Di sini jelas menunjukkan pemegang saham minoriti telah bertindak tepat untuk tidak menerima tawaran itu, yang mana tawaran pada masa itu dilihat sebagai satu tawaran yang tidak menilai prospek MISC dengan sejawarnya.

Menyentuh perkembangan klia2, kerja pembinaan klia2 di Sepang dilaporkan sudah hampir 100 peratus siap, termasuk ujian bagi sistem keselamatan kebakaran dan disasarkan untuk dibuka pada 2 Mei ini.

klia2 kini dalam proses mendapatkan sijil pengesahan bagi sistem keselamatan kebakaran terminal daripada Jabatan Bomba dan Penyelamat Malaysia.

Ini penting bagi memastikan terminal klia2 sudah bersedia sepenuhnya dari aspek keselamatan kebakaran untuk menerima aliran masuk penawar sempena Tahun Melawat Malaysia 2014.